



Arne René Bratland
Kårbø 2
5917 ROSSLAND

Referanser:
Dykkar:
Vår: 21/1956 - 21/19003

Saksbehandlar:
Astrid Riise
astrid.riise@alver.kommune.no

Dato:
18.03.2021

Melding om forureining av grunn - gbnr 352/6 Kårbø

Tiltak: Utbetring forureining grunn
Byggjestad: Gbnr. 352/6
Tiltakshavar: Arne Rene Bratland

Alver kommune har den 13.11.2020 motteke bekymringsmelding med informasjon om at det ligg mykje hestemøkk på eigedommen din, med adresse Kårbø 2, 5917 Rosslund. Det blir rapport om at hestemøkken ligg rett på bakken og opp mot den eine sida av låveveggen. Det blir meldt om at naboar opplever sjenerande lukt frå hestemøkken.

Dette brevet blir sendt til deg, då du står oppført som grunneigar av gbnr 352/6 i matrikkelen (eigedsregisteret).

I henhold til forskrift om gjødselvarer mv. av organisk opphav § 19 fjerde ledd heiter det at: «Gjødselvarer med mer enn 25% tørrstoff, og som omdannes under lagringsperioden, kan lagres direkte på bakken. Slike hauger skal skjermes mot overflatevann. Kommunen kan stille krav om skjerming mot nedbør». Denne føresegna omfattar bl.a. hestemøkk.

Og i henhold til same lovs § 23 første ledd er spredning av gjødselvarer av organisk opphav kun tillatt i perioden 15. februar til 1. november. Og vidare står det i føresegnas andre ledd at: «Det er ikke tillatt å spre gjødselvarer på snødekket eller frossen mark»

På våre kantar vil det ofte i tillegg vera naudsynt å dekke hestemøkken til for å beskytte mot regn dersom den vert mellomlagra ute. Dette for å hindre avrenning frå gjødsla som kan føre til forureining.

Når det er fare for forureining, skal den ansvarlege for forureininga sørgje for tiltak for å hindre at forureining skjer. Når forureining har oppstått, skal den ansvarlege sørgje for å stanse, fjerne eller avgrense forureininga, jf. forureiningslova § 7.

Alver kommune er forureiningsmynde jf. forureiningslova § 48, og har tilsynsplikt jf. forskrift om gjødselvarer mv. av organisk opphav § 29, og har plikt til å undersøkje meldingar som kjem inn til kommunen. Vi ber difor om ei tilbakemelding om:

- tilhøva på staden
- plan for vidare skadebegrensande tiltak basert på omfanget av forureininga og effekten av iverksatte tiltak

Frist for tilbakemelding vert sett til 18.04.2021.

Dersom du meiner at opplysningane våre ikkje er rette, eller at det fins andre grunnar til at du ikkje har plikt til å rydde opp, ber vi om at du tek kontakt med oss snarast mogleg og seinast innan fristen som er sett for utbetring av tilhøvet.

Skriftleg tilbakemelding sender du til:

- post@alver.kommune.no eller
- Alver kommune, postboks 4, 5906 Frekhaug.

Aktuelt regelverk:

- Kommunens tilsynsplikt følgjer av forureiningslova § 48 og av forskrift om gjødselvarer mv. av organisk opphav § 29 andre ledd.
- Plikt til å unngå forureining følgjer av forureiningslova § 7.
- Kommunen kan gje pålegg om retting og fastsetje tvangsmulkt med heimel i forureiningslova kapittel 9 og i forskrifta § 32.
- Føresegn om lagring av gjødselvarer av organisk opphav (hestemøkk) følgjer av forskrifta §§ 19 og 23.
- Pålegg om opprydding eller dekning av kostnader til andre ved opprydding følgjer av forureiningslova § 37 1.ledd.

Spørsmål i saka kan rettast til sakshandsamar på telefon 5637 5000 eller på e-post.

Med vennleg helsing
Alver kommune, Miljø og tilsyn

Astrid Riise
rådgjevar

Dette dokumentet er elektronisk godkjent og har difor ingen signatur.

Mottakarar:

Arne René Bratland

Kårbø 2

5917

ROSSLAND